



KENYATAAN MEDIA

UNTUK SIARAN SEGERA

TERIMA KASIH PEMINJAM PTPTN

1. Perbadanan Tabung Pendidikan Tinggi Nasional (PTPTN) merakamkan penghargaan kepada semua peminjam PTPTN yang telah membuat bayaran balik pinjaman sekali gus menikmati insentif diskaun bayaran balik pinjaman yang telah berakhir pada 30 April 2022 lalu.
2. Terdahulu melalui pembentangan Bajet 2022 pada 29 Oktober 2021, Kerajaan telah bersetuju memberikan insentif diskaun bayaran balik kepada peminjam PTPTN bermula 1 November 2021 hingga 30 April 2022. Dalam tempoh tersebut, sebanyak RM1.9 bilion bayaran balik telah diterima oleh PTPTN dengan seramai 443,722 peminjam telah menikmati insentif diskaun berjumlah RM206.89 juta.
3. Menurut Encik Ahmad Dasuki Abdul Majid, Ketua Eksekutif PTPTN, “Saya ingin mengucapkan terima kasih kepada para peminjam PTPTN yang telah membuat bayaran balik dan menikmati diskaun yang disediakan. Ini membuktikan sokongan peminjam terhadap usaha Kerajaan dan PTPTN dalam melestarikan dana pembiayaan pendidikan untuk masa depan generasi akan datang dengan melaksanakan tanggungjawab membayar balik pinjaman mereka. Terima kasih juga kepada pihak Kerajaan yang sentiasa prihatin dan mengambil berat terhadap kebajikan peminjam PTPTN.”
4. Pada masa yang sama, PTPTN juga berharap agar kerjasama dan sokongan padu daripada semua peminjam dalam menunaikan tanggungjawab untuk membuat bayaran balik dikekalkan bagi memastikan PTPTN dapat meneruskan pinjaman pendidikan kepada generasi akan datang. Ini untuk memastikan tiada pelajar yang gagal memasuki Institusi Pengajian Tinggi (IPT) disebabkan masalah kewangan.

5. PTPTN juga komited untuk memastikan penyampaian perkhidmatan yang terbaik diberikan kepada para peminjam. Terkini bayaran balik pinjaman dapat dilaksanakan dengan lebih mudah, cepat dan selamat melalui aplikasi myPTPTN yang boleh dimuat turun di telefon mudah alih melalui *platform* pengedaran digital seperti “*App Store*” bagi pengguna *iOS*, “*Play Store*” bagi pengguna *Android* dan “*Huawei AppGallery*” bagi pengguna Huawei.

6. Untuk sebarang pertanyaan, boleh melayari portal rasmi di www.ptptn.gov.my atau menghubungi PTPTN melalui saluran berikut:

- *Careline* PTPTN di 03 - 2193 3000
(Beroperasi Isnin hingga Jumaat, jam 9.00 pagi hingga 5.00 petang)
- *Live Chat* di www.ptptn.gov.my
- e-Aduan di <https://eaduan.ptptn.gov.my/>
- Eksekutif Pemasaran PTPTN di <https://www.ptptn.gov.my/hubungi-ptptn>
- Media Sosial Rasmi PTPTN